



# SHIRE HIGHLANDS EDUCATION DIVISION

## 2024 MALAWI SCHOOL CERTIFICATE OF EDUCATION MOCK

### EXAMINATIONS

## CHICHEWA

Subject Number MO32/II

Monday, 25<sup>th</sup> March

Time Allowed: 2 hours

12:30 - 2:30 pm

### PAPER II

(Malikisi 90)

#### Malangizo

1. Onetsetsani kuti pepala ili lili ndi masamba otsindikidzidwa asanu ndi atatu.
2. Pepalali lili ndi magawo anayi: A, B, C ndi D
3. Lembani nambala yanu yamayeso pamwamba pa tsamba lililonse la pepalali
4. Muchitebulo chili pamwambachi, onetsani funso lililonse lomwe mwayankha pochonga mubokosi lomwe lili kutsogolo kwake.
5. Perekani pepalali kwa oyang'anira mayeso nthawi ikakwana

Funso	Chongani funso ngati mwayankha	Muno musale mbemo	
1			
2			
3			
4			
5			
6			
7			

**GAWO A (Malikisi 40)****Malamulo a Chiyankhulo****Langizo: Yankhani mafunso onse m'gawo ili.**

1. a. Lembani ntchito za afotokozi omwe ali ndi mnzere kungsi kwawo m'ziganizo zotsatirazi

i. Anthu olongolola amasowetsa mtendere.

\_\_\_\_\_ (Malikisi 1)

ii. Aphunzitsi aukali saphunzitsa molongosoka.

\_\_\_\_\_ (Malikisi 1)

iii. Makolo athu amatikonda kwambiri.

\_\_\_\_\_ (Malikisi 1)

iv. Mwagula makope angati?

\_\_\_\_\_ (Malikisi 1)

b. Pangani ziganizo zomveka bwino ndi “li” kusonyeza ntchito zotsatirazi ndipo mutseke mzere kungsi kwake.

i. Kukhala tsinde lamneni

\_\_\_\_\_ (Malikisi 2)

ii. Kukhala mgwirizanitsi wamchitidwantchito

\_\_\_\_\_ (Malikisi 2)

iii. Kukhala mphatikiramtsogolo woloza

\_\_\_\_\_ (Malikisi 2)

2. a. Kodi mawu otsatirawa adachokera kuzyankhulo ziti?

i. nduna \_\_\_\_\_ (malikisi 1)

ii. ngolo \_\_\_\_\_ (malikisi 1)

iii. vinyo \_\_\_\_\_ (malikisi 1)

iv. ndege \_\_\_\_\_ (malikisi 1)

b. Fotokozani momwe mawu otsatirawa adapangidwira.

i. kayaziyazi \_\_\_\_\_

\_\_\_\_\_ (malikisi 2)

ii. kakamuna \_\_\_\_\_  
\_\_\_\_\_ (malikisi 2)

ii. chikale \_\_\_\_\_  
\_\_\_\_\_ (malikisi 2)

3. a. Perekani mitundu ya mimvekero yomwe ili ndi mzere kungsi kwawo mziganzo zotsatirazi

i. Ng'ombezo zidachita **dululu** ulendo wokamwa madzi kudambo.  
\_\_\_\_\_ (Malikisi 1)

ii. Bwanji chimangachi chili **mbwee** m'nyumbamu?  
\_\_\_\_\_ (Malikisi 1)

iii. Matope am'khola amachita kuti **kachi** ukamadutsa kumphepo  
\_\_\_\_\_ (Malikisi 1)

iv. Mkwamu mudachita kuti **tsoo** nditadya kapingiri.  
\_\_\_\_\_ (Malikisi 1)

b. Pangani ziganzo zomveka bwino ndi alumikizi osonyeza ntchito zotsatirazi ndipo mutseke  
mzere kungsi kwawo.

i. kulunzantsa  
\_\_\_\_\_  
\_\_\_\_\_ (malikisi 2)

ii. kulekanitsa  
\_\_\_\_\_  
\_\_\_\_\_ (malikisi 2)

iii. kugwirizantsa  
\_\_\_\_\_  
\_\_\_\_\_ (malikisi 2)

4. a. Tchulani kanenedwe ka aneni omwe ali ndi mzere kungsi kwawo m'ziganzo zotsatirazi:

i. Tabwera kuti **titenge** njingayi.  
\_\_\_\_\_ (Malikisi 1)

ii. Ndidya **mukaphika**.  
\_\_\_\_\_ (Malikisi 1)

iii **Muzigona** kutali ndi moto.

\_\_\_\_\_ (Malikisi 1)

iv **Ndikachitenji** kusukuluko?

\_\_\_\_\_ (Malikisi 1)

b. Pangani ziganizo zomveka bwino ndi alowammalo osonyeza ntchito zotsatirazi ndipo mutseke mzere kungsi kwawo.

i. kukhala mchitidwantchito wopanda chindunji

\_\_\_\_\_ (Malikisi 2)

ii kutsiriza tanthauzo lamneni

\_\_\_\_\_ (Malikisi 2)

ii kuitanira

\_\_\_\_\_ (Malikisi 2)

### **Gawo B (Malikisi 20)**

#### **Kumvetsa nkhani ndi kusanthula chiyankhulo**

5. **Werengani nkhani ili m'munsiyi mosamala ndipo muyankhe mafunso otsatirawa.**

Chigwada, yemwenso ankatchuka ndi dzina loti Ipondofada, adali mnyamata yemwe moyo wake udali ukugubuduka pa chifwirimbwiti cha umphawi wazaoneni. Sadali kuugwira mtima ankaona anyamata anthanga yake akuyenda chokhala m'magalimoto m'deralo kaamba ka mabizinesi osiyanasiyana omwe amachita. Chigwada adasanduka chitonzo cha anthu m'dera lonse kaamba ka umphawi umene udalendewera moyo wake. Nawo asungwana adali kukana kumanga naye banja ponena kuti masiku ano banja ndi ndalama.

Chitonzo cha mtunduwu ndicho chidachititsa kuti Chigwada adye mutu ndi kufukula njira yopezera chuma. Adalimba mtima nadzikhwekhwereza kukafunsa anzake omwe adali ndi chuma momwe adachimbwandirira chumacho. Anzake onse adamuza kuti chinsinsi cha chuma chawo ndi kugwira ntchito molimbika komanso kugwiritsa ntchito mosamala makwacha amene munthu wapha.

Chigwada atamva malangizowo adangotsonya mumtima ponena kuti njirayo idali yochedwetsa.

M'mawa wa tsiku lina Chigwada adauyatsa ulendo wa ku Swang'oma kuti akayese mwayi wake pa chuma podziwa kuti zengerezu adalinda kwawukwawu. Udali ulendo wopha nyerere zomwe

zidachititsa kuti ukhale ulendo wotopetsa. Masiku awiri atatha iye adatulukira m'dziko la Swang'oma mimba itabwerera kugundana ndi msana kaamba ka njala.

Adapezana ndi sing'anga yemwe adali wotchuka kwambiri ngati imfa. Koma Chigwada adadabwa kuti ngakhale sing'angayo ankatchuka ndi kulemeretsa anthu, iye adali wosauka kuposa khoswe wokhala mukampani yopanga zitsulo. Atacheza kwa kanthawi, sing'angayo adamfumbatitsa Chigwada mpukutu wa mankhwala wolemeretsa. 'Mankhwala awa muzikasamba usiku uliwonse ndipo mukatha muzikazungulira manda muli buno bwamuswe. Posachedwapa muyendera galimoto lapamwamba,' adalangiza motero sing'angayo kwinaku akuuzira chithumwa chake chomwe chinkalavula fungo loyipa kwambiri. Sing'angayo adachenjeza kuti munthu wina akangomuona akuzungulira manda ndiye kuti zake zaderatu.

Chigwada adabwerera mosangalala. Atafika kunyumba ntchito idayambika. Tsiku lililonse ankazungulira manda. Tsiku lina ali mkati mozungulira manda adamva phokoso la anthu likuthamangitsa tsinzinantole. Chigwada adalowa m'mandamo ndi kubisala pa mtumbira wa malemu agogo ake. Wakubayo adalowa m'mandamo ndikutulukira mbali ina ya mandawo. Gulu la anthulo lidalowa poganiza kuti wakubayo wabisala m'menemo. Kenako adamuona Ipondefada ali khale pa mtumbira. "Wakuba uja ndamupeza ndi uyu koma wavula zovala zonse. Akufuna tisamudzindikire" adakuwa m'modzi mwa anthu olusawo. Nthawi yomweyo misala idayambika.

Tsopano yankhani mafunso otsatirawa mziganizo zommveka bwino.

a. i. Tchulani dzina lina la mwininkhani?

\_\_\_\_\_ (malikisi 1)

ii. N'chifukwa ninji mwininkhani adapita ku Swang'oma?

\_\_\_\_\_ (malikisi 2)

iii. Kodi mwininkhani amanyozedwa chifukwa chiyani?

\_\_\_\_\_ (malikisi 2)

iv Tsimikizani kuti mwininkhani adali munthu wosamvera

\_\_\_\_\_ (malikisi 2)

v. N'chifukwa chiyani mwininkhani sadamvere malangizo a anzake pa chinsinsi cha chuma chawo?

\_\_\_\_\_ (malikisi 2)

vi. Kodi ulendo wa mwininkhani wopita ku Swang'oma udatenga masiku angati?

\_\_\_\_\_ (malikisi 1)

## b. Kusanthula chiyankhulo

i. Pezani mawu m'nkhaniyi omwe ndi otsutsana ndi mawu oti "adangovomera"

\_\_\_\_\_  
(malikisi 1)

ii. Kodi mkuluwiko woti "zengerezu adalinda kwawukwawu" ukutanthauza chiyani m'nkhaniyi?

\_\_\_\_\_  
(malikisi 2)

iii. Pezani mawu m'nkhaniyi omwe ndi ofanana m'matanthauzo ndi awa:

1. adauyamba

\_\_\_\_\_  
(malikisi 1)

2. chinkanukha

\_\_\_\_\_  
(malikisi 1)

3. dekha

\_\_\_\_\_  
(malikisi 1)

4. adapereka

\_\_\_\_\_  
(malikisi 1)

iv. Perekani matanthauzo a zining'a zotsatirazi monga momwe zagwiritsiridwa ntchito m'nkhaniyi

1. anyamata a nthanga yake

\_\_\_\_\_  
(malikisi 1)

2. adye mutu

\_\_\_\_\_  
(malikisi 1)

3. buno bwamuswe

\_\_\_\_\_  
(malikisi 1)**GAWO C (Malikisi 15)****Chifupikitso**

6. Werengani nkhani yotsatirayi mosamala. ili ndi mawu 133 ndipo muifupikitse kuti ikhale ndi mawu osachepera 46 koma osapitirira 56.

**KAMVETSEDWE KA ACHINYAMATA PA ZA UFULU**

Masiku ano nkhani ya ufulu wa achinyamata ili mkamwamkamwa. Amabungwe ndiwo nkhaniyi ali nayo chire. Akulimbikitsa maufulu monga akavalidwe, akuyankhula zakukhosi ndi maphunziro.

Achinyamata ali ndi ufulu wakavalidwe. Inde ufuluwo ulipo koma mwina mwambo wa mtundu wa anthu umaletsa kavalidwe kena. Ngakhale mwambo tili nawo koma zachuluka masiku ano ndi mphamvu zotengera m'makanema.

M'sukulu aphunzitsi ali pantchito yaikulu kuonetsetsa kuti mwana aliyense wavala zovomerezeka chifukwa pamapezeka kuti achinyamata ena avala malaya othina kwambiri ndipo ena ali m'ndekesha zosaloledwa konse pasukulu.

Ena amafuna kuti azicheza momwe akufunira, ati ali ndi ufulu woyankhula ndi wocheza. Izi zimasokoneza maphunziro chifukwa pasukulu sipochezera ayi. Ambiri mwa achinyamatawa amadana ndi mphunzitsi yemwe akuwaletsa zochezazo.

Ena akapalamula nachotsedwa sukulu, amanena kuti sangachoke pasukulupo chifukwa ali ndi ufulu wophunzira. Amaiwala kuti ufuluwo ulipodi koma umayenda limodzi ndi udindo wosunga malamulo.

This image shows a single sheet of white paper with horizontal blue or grey ruling lines. The lines are evenly spaced and run across the width of the page. There are approximately 20 lines visible. The paper has a slight shadow on the right side, suggesting it's resting on a surface.

